

Izjava OHR-a na konferenciji za medije međunarodnih organizacija

Druga godišnjica mandata Paddyja Ashdowna na funkciji visokog predstavnika

Kao što se sjećate, prije dvije godine Paddy Ashdown je preuzeo mandat visokog predstavnika. U svom prvom govoru na plenarnoj sjednici Parlamenta BiH visoki predstavnik je istakao da je njegov cilj da BiH nepovratno usmjeri u pravcu ostvarivanja državotvornosti i na put ka Europi. Visoki predstavnik je rekao da će focus njegovog rada biti "posao i pravda", vladavina prava i ekonomske reforme čime bi se ispunili zahtjevi Europske komisije.

Ovdje smo priložili ažuriranu kronologiju implementacije mira između 2002. i 2004. godine.

Visoki predstavnik je u svom intervjuu izjavio da još mnogo toga ostaje da se uradi. Dodao je da je posebno ponosan na svoj rad oko Suda BiH koji je počeo sa radom u januaru 2003. godine i koji trenutno provodi 202 istrage, a već je donio 39 presuda protiv 164 osobe i donio 46 osuđujućih presuda.

Gledajući u budućnost, rekao je visoki predstavnik, Studija izvodljivosti Europske komisije i proces pristupanja Partnerstvu za mir zahtijevaju od vlasti BiH da preuzmu veću odgovornost za vođstvo kroz strateške reforme, koje će ovu zemlju odvesti prema Europi. Visoki predstavnik je pozdravio poziv premijera Terzića za uspostavljanje Komisije za restrukturiranje policije.

Visoki predstavnik je podvukao da ova i sljedeća godina moraju BiH odlučno pokrenuti iz ere Dejtona u eru Brisela. Visoki predstavnik je jučer izjavio: " Ako BiH pokaže volju da provede reforme mogli bismo do kraja ove godine biti u Partnerstvu za mir i pregovarati o sporazumu o Stabilizaciji i pridruživanju. Cilj bh. vlasti na svim nivoima mora biti nepovratno usmjeren na proces europskih integracija. Europska unija je iskazala svoje dugoročno opredjeljenje za potpunu integraciju BiH, uloga posebnog predstavnika Europske unije će dobijati na važnosti kako bi odražavala ovu promjenu, ali brzina kojom ćemo se kretati u potpunosti zavisi od same BiH.